

重修浙江通志稿

第四十三册
上
著述

卷之五

五

五



卷之五

重脩浙江通志稿

第四十三冊上
著述

杭屬經籍 史部

史記全言十二篇 唐補無量撰

案無量見上經部孝經類唐書本傳云初內府舊書甲乙黃例無量請繕錄補第以廣祕籍不數年四庫完治帝詔羣臣觀書賜無量等帑有差未幾徙書麗正殿須詔無量就殿纂績前功臨終遺言以麗正寫書未畢為恨詔贈尚書諡曰文後有於書殿得講史記至言十二篇上之帝歎息以絹五百足賜其家原書疑佚一作十二卷見蘇頌神道碑海寧州志引之

漢書古今集義二十卷 唐顏允撰

案允憲官人覽子官宏文館學士舊通志引唐書藝文志作顏頤今杭志藝文作顏允未知孰是司馬貞史記索隱屢引其說

後漢功臣年表無卷數 宋錢暄撰

案暄字載暘臨安人官瑤文閣待制此書載杭志藝文未見

漢語無卷數 明許應元撰

案應元春秋內傳列國語載經義考已見上經部此書載海寧志

史記疑向三卷 清邵泰衡撰

案泰衡已見經部四庫提要云史記採眾說以成書不免抵牾泰衡旁引異

同而一一斷之以理如謂高祖紀解縱罪人坦然回沛之非情實留侯世家諸將偶語沙中之不可信李陵傳兵矢既盡尚殺匈奴萬餘人之言為夸誕據功臣表漢九年呂澤已死而駁留侯世家所紀漢十一年不應又有呂澤所論多精確不但如吳鎮糾新唐書祇求諸字句間也

讀漢書記無卷數

清章士斐撰

案士斐號淇上錢塘諸生早喪父母居貧苦讀經史百家靡弗淹貫明知縣顧咸建會課諸生手兩卷不能定甲乙適臨川陳際泰至杭出示之際泰曰某春清屆明堂之器可取科第如拾芥某卷奇陳曲折殆昌黎所謂鑿空構立者斷為古文作手然鴻飛冥冥非網羅中物也咸建曰吾固拔其必傳者遂取士斐為首以姚元煥次之後元煥成進士士斐以明經終其詩淡泊明淨有陶音見杭志文苑傳此書為士斐治史之作載杭志藝文未見

後漢書二十四卷

清王廷燦撰

案廷燦號孝先錢塘人康熙辛酉舉人官吳縣知縣及崇明知縣有循績得見張玄璣撰墓志此書載杭志藝文未見

宋史補遺無卷數

清陳邦彥撰

按杭志文苑傳邦彥字思南海寧人少孤世父元龍撫教之總角即工楷法

康熙四十二年進士入館選直內廷詩文皆典雅有度歷侍讀學士歸乾隆初起原官至禮部侍郎卒此書載海寧州志未見

三史質難幾卷數 清周南吉撰

案南吉字敷文號介石仁和人增生嘗與修康熙間浙江通志杭詩三輯載有此書未見

後漢書故三十卷 清李延澤撰

案延澤字頌將錢塘人有春秋四傳治疏合春秋戰論輯傳已見經部此書未見

補遼金元三史藝文志卷數 清倪瑞撰

案瑞字魯玉錢塘人官內閣中書以遼金元三史均無藝文志於三朝文化學術湮沒良多爰採雜家紀載及別集目錄諸書纂為此篇

元史類編四十二卷 清邵遠平撰

案遠平字成三仁和人康熙三年進士事蹟別詳杭志名臣傳清史稿文苑傳遠平高祖紐祚明正德中進士刑部員外郎以建言獲罪著宏簡錄起唐迄宋附以遼金未遑及元也遠平循其例續之刊除舊史複重不雅則者入制誥於帝紀采著作於儒林而文苑分經學文學藝學三科十三志則分載

於紀傳名曰元史類編朱真尊稱其書用高曾之規矩損益三十年史之詞
傳以華采非官局所能逮也別著尚有史學辨誤京師粵行等集魏源叔進
呈元史新編叙則謂述平類編襲鄭樵通志之重僅以天玉宰輔庶官分題
已大偏史法且有紀傳無表志於一代經制闕略未備全載載中國史學史
謂邵氏能取經世大典諸書補正史不無訂正之功而世祖以下諸本紀即
為魏源所襲用是致功於此非細矣

遼史拾遺二十四卷

清厲鶚撰

紫鴉字太鴻錢塘人康熙五十九年舉人事蹟別詳人物傳四庫提要稱鴉
是書有注有補摘錄舊文為綱各攷他書系列於下國語解先後次第與目
錄不合者亦悉為釐正元修三史莫繁冗於宋莫疏略于遼又遼時書禁最
嚴不得傳布境外故一朝圖籍漸滅無徵鴉采羣書至三百餘種其補唐中
和諸人之傳及礼志之補幡勝樂志之補昭帳輿服志之補金冠袍食貨
志之補賦稅名目皆採輯散佚足備考証鴉詩集中自稱註遼史比裴松之
之註三國志亦不誣也全載載中國史學史亦云遼史拾遺雖采諸書以補
缺略雖不加別擇近於史料而網羅之富殊為罕見

史記疏證前漢書疏證後漢書疏證三國志補註六卷晉書補傳贊北齊書疏

註北史寒根金史補二十卷諸史然疑一卷 清世職撰

案世職續北記集說已見經部四庫提要云世職三國志補注鉅大不捐瑕瑜互見如某人宅在某鄉某人墓在某里其體全類國經虞翻之鼎錄陶宏景之刀劍錄皆按年編入而鍾繇等傳書評書品動輒連篇又如雜記嵇康見兔諸葛祭風之類裨官小說累牘不休則亦未為善本也諸史然疑一卷提要亦稱其標誤本史通謂習鑿齒漢晉春秋不尊劉蜀為正統者亦失之不考要之於史學不為無補錄之以資參訂可也金毓黻中國史學史云杭大宗仿厲氏之例撰金史補擬合書為百卷而實未成僅傳鈔本五卷可考其餘諸書均未見

北周書考証二卷 清金文瀾撰

案文瀾字質甫錢塘人乾隆四年進士官天津知府此書載杭志藝文未見史傳賦指二卷 清閔槐撰

案槐有孝經纂義二十卷已見上經部此書未見

漢書顏注刊誤漢書地理志校正無卷數三國志補注六十五卷 清趙一清撰

案一清已見上經部杭志本傳稱其注釋水經注是為鄭氏功臣補注三國

志微引極博皆杭世駿所未采世駿三國志注為四庫提要摘訛甚多一清
注又別樹一幟全錄散中國史學史稱最為精審如以諸家補注附裴注之
後亦陳志之一善本矣有東潛趙氏鈔本見國學圖
書館目錄
宋史藝文志補一卷 清盧文弨撰

案文弨已見上經部此書補宋史藝文志所未收之作誠微博引據逸不少
原載羣書拾補有抱經堂叢書本

南北史表六卷帝五世系表一卷五代史記校注無卷數 清周嘉猷撰

案嘉猷字雨蓀錢塘人乾隆二十二年進士官益都知縣署膠州卒於官少
能強記讀書一過背誦無遺枕世駿呼為小友生平嗜學好古雖治劇邑未
嘗去書於六朝掌故尤能色舉其著作類有功南北史見杭志文苑傳此三
書載杭志藝文五代史記校注疑為注宋齊梁陳隋書之作蓋當時固有五
代史記之稱也未見

補元史藝文志八卷 清張景筠撰

案景筠號梅屋杭州人侍軒七世孫少孤從舅氏周春受業春愛其才歲以
錫餼篤行力學詩文務尋古人不傳之意補元史藝文志八卷為盧文弨所
賞歎刊行於世會文弨卒不果景筠又嘗仿宋詩紀事為元詩紀事 駭博

未成而卒見杭郡詩輯及海寧州志引吳騫痛文陳鍾識語

遼金元三史國語解續遼史翔岡考二卷 清朱修之撰

案修之字特序海寧人道光丁酉科拔貢民國初年通志稿稱修之嘗作宋元通鑑目錄若干卷蓋取薛應旂宋元通鑑與宋遼金諸史參互考訂而成一書某代某帝某年某事如指諸掌謹遵高宗純皇帝欽定三史國語解凡遼金元諸臣姓名之普訛今心者按其所見之年表列於前附翔岡表於後考其年月薛書之誤亦訂正無遺德清俞樾為之序稱為薛氏功臣見春在堂雜文四編又見杭志藝文

漢書疏証無卷數 清蔣師煥撰

案師煥已見上經部民國初年通志稿師煥著有漢書疏証一百卷水經注解四十卷毛詩精義二十卷杭郡選舉錄四卷既嗣宗詠懷詩注四卷敦艮堂詩古文集十卷東坡劉記四卷此目則漢書疏証無卷數疑未成

熊方後漢書年表校補東漢翔岡表均無卷數 清諸以聚撰

案以敦字愛堂號良麓錢塘人乾隆乙酉副貢官福建長樂知縣生平尚氣誼重然諾詩年豪宕間作小詞暮年鍊戶著書專攻史籍所著熊方後漢書年表校補東漢翔岡表已刊行見兩浙輟軒續錄補遺

史漢箋略無卷數

清葛璣撰

案璣字橘星海寧人有經義備考一書已見經部經解類此書據海寧志刊
史記志疑三十六卷古今人表考九卷 清梁玉繩撰

案清史稿及杭志儒林玉繩字曜北錢塘人增貢生同書嗣子家世貴顯玉
繩不志富貴自號清白士嘗語弟履繩曰後漢襄陽樊氏顯重當時子孫雖
無名德盛位世世作書生門戶願與弟共勉之故玉繩年未四十棄舉子業
專心撰述精心部書著史記志疑三十六卷據經傳以糾乖違參班前以究
同異錢大昕謂其書為龍門功臣有廣雅堂書局刻本又著漢書古今人表
考九卷謂班氏借用禹貢田賦九等之目造端自司馬遷史記李將軍傳云
孝恭為人在下中其說頗是李慈銘越縵日記亦謂其搜采頗博便於省覽
有廣雅堂叢書本

蜀書箋略無卷數

清黃模撰

案模有三家詩補考夏小正分箋已見上經部此書載杭志藝文及兩浙輶
軒續錄二十未見

三國志音義無卷數

清吳應和撰

案應和號榕園海寧人有毛詩纂詁已見經部詩經類此書未刻

兩漢書質疑卷數

清葉麗正撰

葉麗正已見上經部。麗正既校刊胡刻宋本資治通鑑於兩漢書又有質疑之作。蓋學勘絕學固本其婦翁段茂堂家法也。杭志藝文著錄未見。

晉書校勘記無卷數

清陳善撰

葉杭志文苑傳善字扶雅錢塘人嘉慶六年舉人幼與趙坦汪家禧潛研經術又從武進張忠言游盡通其所著書官嘉善教諭應浙閩總督孫士毅聘修國志所為列傳文直事核以餘暇撰晉書校勘記惜未成而卒原書疑佚後漢書校勘記無卷數清吳壽暘撰

葉壽暘有公羊經傳異文攷已見上經部此書杭志藝文錄目及海寧州志未見

漢書地理志校本二卷

清汪述孫撰

案述孫號小東錢塘人嘉慶二十一年舉人十歲失恃事父與繼母以孝聞閉戶讀書覃思考訂排日讀十三經注疏每有心得輯為攷異常以虛文詁校刻經曲釋文尚多譌罔為之補正又著國語古注輯存攷異後漢書地理志校本讀者皆歎為精核見杭志文苑傳

兩漢書校勘記無卷數

清吳春熙撰

案春熙海寧人有字說一書已見上經部此書載海寧州志管庭芬稱寓汪氏振綺堂最久為校漢書作校勘記

三史人名攷証無卷數 清江懷撰

案懷字珠川號小舫錢塘人道光丙戌科進士官甘泉知縣此書載杭志藝文所云三史者不知為史記前漢漢書也

四裔年表無卷數 清姚光普撰

案光普原名琨更名慶宣號仲瑜仁和人道光五年舉人官上虞教諭親戚侍以舉火者數家精於醫有求治者輒應事寡嫂撫兄子二十年如一日未第時客吳中歲大疫林則徐時為蘇臬光普上採荒議及疏濬三江水利議則徐題之見杭志義行傳乃又有四裔年表之作亦足多也

讀漢書隨筆附孤虛表一卷古文用兵孤虛圖說一卷 清龔自珍撰

案自珍已見上經部讀漢書隨筆四百事見吳昌綬定庵年譜定庵集有表孤虛一文稱采易緯之義兼術家之術以正漢官之名與裴駰正相反未見舊唐書疑義三卷舊唐書勘同二卷 清張道撰

案杭志文苑傳道原名炳然字少南錢塘人幼慧有神童稱補諸生師事陸璣得詩文法居宣南柳鮮入城市嘗云前後讀書二萬卷二十歲前十得九

經史大義覽通考及山經地志小說雜家書牘傳文酒清集坐中偶舉一事
輒能摘某書某卷而不爽一同治元年以吳母年此書為校亡舊唐書而作
未見

晉書斟注一百三十卷 民國吳士鑑撰

按士鑑字公登錦州齊錢塘人先緒壬辰科榜眼官翰林院侍講有尚書釋
文已見經部此書編引何法盛等十八家逸文及漢魏各家傳記為之斟注
竊鈔雪纂歷四十餘載乃成有吳興劉承幹刻本據序文承幹曾表注其書
晉書一百十卷宋書一百卷 梁沈約撰

按四庫總目云約事跡具梁書本傳約表上其書謂本紀列傳繕寫已畢合
志表七十卷所撰諸志須成績上今此書有紀志傳而無表劉知幾史通謂
此書為紀十志三十一列傳六十合百卷不言有表隋書經籍志作宋書一百
卷與今本卷數符合或唐以前其表早佚今本出於後人所編歟以志序考
之稱損益前史諸志為八門曰律歷曰禮曰樂曰天文曰五行曰符瑞曰州
郡曰百官是律歷未分兩門今本總目題卷十一志第一志序卷十二志第
二歷上卷十三志第三歷下而每卷細目作志第一律志序志第二歷上志
第三歷下則出於後人編目非約原本矣八志之中符瑞實為疣贅州郡惟

據太康地志及何承天徐爰原本於偽置椒立併省分析多不詳年月亦為
阮略礼志食郊祀祭祀朝會與服冠為一門以省支節樂志述八音奏器及
鼓吹饒歌諸樂章以存義訓如鐸舞曲聖人制礼樂篇有聲而詞不可
詳者每一句為一斷以存節奏恭例尤善若其追述前代雖失限斷然觀晉
姬晉短祚宋承其後多所因仍詳其訛蓋之由未可適用糾彈也桓元盧循
吳隱謝琨劉毅何無忌等並為刊除歸之晉籍其中明史例又何嘗不謹嚴
乎其書至北宋已多散佚崇文總目謂闕趙倫之傳一卷書錄解題謂闕劉
彥之傳明以來隨意竄改多非古式云
通史無卷數後漢書注九十卷 梁吳均撰

案均字叔庠吳興故鄣人好學有俊才沈約頗稱賞柳惲荐之臨川靖惠王
王稱之於武帝召賦詩待詔著作建安王偉為揚州引兼記室遷江州補國
侍郎見梁書文學傳又稱帝有敕召見使撰通史起三皇訖齊代均草本紀
世家功已畢唯列傳未就普通元年卒年五十二又注范曄後漢書九十卷
均佚

漢書訓纂三十卷漢書集解一卷梁書帝紀七卷

陳姚察撰

案察字伯賓吳興武康人年十二能屬文歷梁陳並為史官事行見南史列

傳又稱其陳太建初報聘於周沛國劉臻寓於公館訪漢書疑事十餘條並為剖析皆有經據錄謂所親曰名下空無虛士則有漢書訓纂纂解之作宜也又撰梁陳史未畢其子思庵續成之此云梁書帝紀亦佚

隋紀二十卷 唐陳叔達撰

案姚鉉唐文粹錄叔達答王績書云隋氏之王三十六年成敗否泰目所親觀誠思後之作者復習向時之弊聊因奉壺之暇著隋紀二十卷聘詞流離則愧於心矣書事簡要則嘗有志焉湖州志錄有此目豈叔達為吳興人歟

梁書五十六卷 陳書三十六卷 唐姚思廉撰

案思廉本名簡以字行吳興武康人察子官宏文館學士此書據四庫提要云梁書舊唐書經籍志及思廉本傳俱云五十卷新唐書作五十六卷劉知幾史通謂姚察有志撰勅施功未周其子思廉恐舊稿加以新錄為梁書五十六卷則新唐書編目為思廉編目之舊矣思廉本推父意成書每卷之後題陳吏部尚書姚察者二十五篇題史官姚察者一篇其專稱史官者殆思庵續纂中如簡文紀載大寶二年四月丙子侯景襲郢州執刺史蕭方諸而元帝紀作閏四月丙午則兩卷之內月日無差侯景傳上云張彪起義下云彪寇錢塘則數行之間書法乖舛趙與峕賓退錄議其於江華傳中則稱何

敬客掌選序用多非其人於敬客傳中則稱其詮序明實號為稱職尤是非
矛盾其餘事跡複互前後錯見詎以南史往往抵牾蓋著書若是之難也然
持論平允排摭次第猶具漢晉以來相傳之史法要異乎取成家手編次失
倫矣陳書三十六卷知幾史通謂貞觀初思廉奉詔撰成二史唐九載方始
畢功知幾又謂陳史初有顧野王傅縡各為撰史學士太建初中書郎陸瓌
續撰諸篇姚察就加刪改是察之修史實兼采三家書中惟二卷三卷題陳
吏部尚書姚察五卷則俱稱史臣蓋察先纂梁書此書僅成二卷其餘皆思
廉補撰今讀其列傳體例秩然出於一手不似梁書之參差亦以此也惟其
中記傳年月向有牴牾不能不謂之疵累然諸史皆然不能獨責此書矣
晉書一百十卷注史記一百三十卷 唐徐堅撰

案堅字元固唐宗時官太子右庶子兼崇文館學士唐書有傳湖州志為列
人物不言其為吳興何縣人以上見舊唐書藝文志亦佚

兩漢書補注十卷 宋吳革撰

案革字商卿歸安人嘉熙八年進士官楚州教授此書據湖志引讀書增志
有倪思序湖錄又稱增志載革有兩漢鑑十卷王容序疑即此書
明史繫一百四十二卷宣明紀傳三十卷大政記三十六卷 明朱國禎撰